

全華叢書



金華叢書



禪月集卷四

唐釋貫休撰

郡後學胡鳳丹月樵校梓

春山行

重疊太古色濛濛花雨時好峰

一作山

行恐盡流水語

相隨黑壤生紅黍

一作朮

黃猿領白兒因思石橋月曾

與故

一作道

人期

送諫官南遷

危行危言者從天落海涯如斯爲遠客始是好男兒
瘴雜交州雨犀指馬援碑不知千萬里誰復識辛毗

懷香爐峰道人

常思峰頂叟石窟土爲牀日日先見日煙霞多異香
冥心同槁木掃雪帶微陽終必相尋去斯人不可忘

觀李翰林真二首

日角浮紫氣凜然塵外清雖稱李太白知是那星精
御宴千鍾飲蕃書一筆成宜哉杜工部不錯道騎鯨
誰氏子丹青毫端曲有靈屹如山忽墮爽似酒初醒
天馬難攏勒仙房久閉扃若非如此輩何以傲彤庭

晚泊湘江作

一作晚泊
湘江懷古

煙浪濺

一作濺

秋色高吟似有得

一作鄰

一輪湘渚月萬

一作千

古獨醒人岸溼穿花遠風香禱廟頻祇應諛佞

者到此不傷神

淮上逢故人

故園離亂後十載始逢君長恨南熏奏尋常只自聞
荒窗秋見岳赤地夜生雲莫歎謀身晚中興正用文

讀杜工部集二首

造化拾無遺唯應杜甫詩豈非立域橐

一作橐

奪得古

人旗日月精華薄山川氣槩卑古今吟不盡惆悵不

同時

甫也道亦喪孤身出蜀城彩毫終不撓白雪更能輕
命薄相如命名齊李白名不知耒陽令何以葬先生

題簡禪師院

機忘室亦空靜與沃洲同唯有半庭竹能生竟日風
思山海月上出定印香終繼後傳衣者還須立雪中

讀劉得仁賈島集二首

二公俱作者其奈亦迂儒且有諸峰在何將一第吁
句還如菡萏誰復贈檐榆想得重泉下依前與眾殊

役思曾衝尹多言阻國親桂枝何所直陋巷不勝貧

馬病唯

一作難

湯雪門荒劣有人伊余吟亦苦爲爾一

眉嚬

天台

一本無上二字

老僧

獨住無人處松龕嶽色侵僧中九十臘雲外一生心
白髮垂不剃青眸笑轉深猶能指孤月爲我暫開襟
經費隱居舊宅

巉巖玉九株秀溼掩蒼梧祥瑞久不出羲軒消得無
雨和高瀑濁燒爇大楮枯到此思歸去迢迢隔五湖

秋末懷舊山

昔住匡廬北無人知姓名
侵雲收穀粟引蟻上柑橙
寒雨雪兼落枯林虎獨行
誰能將白髮共向此中生
春過鄱陽湖

百慮片帆下風波極目看
吳山兼鳥沒楚色入衣寒
過此愁人處始知行路難
夕陽沙島上回首一長歎
寄僧野和尚

鳥

一作島

外更誰親諸峰卽四鄰
白頭寒枕石青衲爛
無塵橡栗堆行徑
猿猴遶定身儻然重結社
願作掃

壇人

寄馮使君

端居碧雲暮好鳥啼紅芳滿郭桃李熟捲簾風雨香
清吟繡段句默念芙蓉章未得歸山去頻升謝守堂

寄紫閣隱者

積翠藏一叟常思未得遊不知在巖下爲復在峰頭
苔上枯藤笮泉淋破石樓伊余更何事不學此翁休

寄天台道友

大是清虛地高吟到日晡水聲金磬亂雲片玉盤粗

仙有遺蹤在人還得意無石碑文不直壁畫色多枯
冷立千年鶴閑燒六一爐松枝垂似物山勢秀難圖
紫府程非遠清溪徑不迂馨香柏上露皎潔水中珠
賢聖無他術圓融只在吾寄言桐柏子珍重保之乎
旅中懷孫路

暮塵微雨收蟬急楚鄉秋一片月出海幾家人上樓
砌香殘果落汀草宿煙浮唯有知音者相思歌白頭

貽世

至理不誤物悠悠自不明黃金燒欲盡白髮火邊生

苦惑神仙謾難收日月精捕風兼繫影信矣不須爭
覽李秀才卷

香沐整山衣開君一軸詩吟當秋景苦味出雪林遲
經濟幾人到工夫兩鬢知因嗟和氏淚不是等閑垂
懷方干張爲

冥搜入仙窟半夜水堂前吾道祇如此古人多亦然
螢沈荒塢霧月苦綠梧蟬因憶垂綸者滄浪何處邊
四皓圖

何人圖四皓如語話嘵嘵雙鬢雪相似是誰年最高

溪苔連豹褥仙酒汗雲袍想得忘秦日伊余亦合逃
懷白閣道侶

寒思白閣層石屋兩三僧斜雪掃不盡飢猿喚得應
香然一字火磬過數潭冰終必相尋去孤懷久不勝

讀孟郊集

東野子何之詩人始見詩清剗霜雪髓吟動鬼神司
舉世言多媚無人師此師因知吾道後冷淡亦如斯

懷四明亮公

孤峰含紫煙師住此安禪不下便不石一作下如斯太

可憐坐侵天井黑吟久海霞薦豈覺塵埃裏干戈已
十年

秋過錢塘江

巨浸東隅極山吞大野平因知吳相恨不盡海濤聲
黑氣騰蛟窟秋雲入戰城遊人千萬里過此白髭生
上俞許二判官

近拋蓑笠者急善遇休明未省親宗伯焉能識正聲
病容經夏在岳夢入秋并無限林中意今逢許郭傾
懷劉得仁

詩名動帝畿身謝亦因詩白日只如哭皇天得不知
旅墳孤蹠岳嬴僕泣如兒多少求名者聞之淚盡垂
歸故林後寄二三知己

昨別楚江邊逡巡早數年詩雖清到後人更瘦於前
岸翠連喬嶽汀沙入壞一作田何時重一見談笑有
茶煙

春寄西山陳陶

搔首復搔首孤懷草萋萋春光已滿目君在西山西
塹水成文去庭柯擎翠低所思不可見黃鳥花中啼

秋末江行

四顧木落盡扁舟增所思雲衝遠燒出帆轉大荒遲
天際霜雪作水邊蒿艾衰斷援不堪聽一聽亦同悲
送人歸新羅

昨夜西風起送君歸故鄉積愁窮地角見日上扶桑
蜃氣生初霽潮痕匝亂荒從茲頭各白魂夢一相望

思匡山賈匡

一作寒夜思
廬山賈生

山兄詩癖甚寒夜更何爲覓句唯一作如頑坐嚴霜打

不知石膏黏木屐

一作履

崖蜜

一作栗

落冰池近見禪僧

說生涯勝往時

偶作

十載獨扃扉唯爲二雅詩
道孤終不雜頭白更何疑
句冷杉松與霜嚴鼓角知
脩心對閑鏡明月印秋池

贈方干

盛名與高隱合近謝敷村
弟子已得桂先生猶灌園
垂綸侵海介拾句歷雲根
白日昇天路如君別有門

弟子謂
李頻也

漁父

一葉一竿竹眉鬚雪欲零陸應無祖業香必是伊睥
兒亦名魚鷗歌稱我一作爾洞庭回頭深自媿舊業近
滄溟

題友人山居

卜居鄰塢寺魂夢又相關鶴本如雲白君初似我閑
月明僧渡水木落火連山從此天台約來茲未得還
寄宋使君

寺倚烏龍腹窗中見碧稜空廊人畫祖古殿鶴窺燈
風吼深松雪爐寒一鼎冰唯應謝內史知此道心澄